



Rianngeitu Bawmhnak

Australia Acozah i Rianngeitu Bawmhnak (JobKeeper Payment) tengah, Coronavirus nih an sipuazi a hnorsuanmi phung ning in rian a tuanmi pawl nih an riantuantu pawl pehzulh in an thlahlawh peh khawh dingah thlahlawh ngah khawhnak an ngei lai.

Pulrai nih a hnorsuanmi rianngeitu pawl nih phung ning in riantuantu pakhat caah zarh hnih ah voikhat \$1,500 in 30 Vaute (March) 2020 in 27 Zing (September) 2020 tiang an hal khawh lai.

Rianngeitu bawmhnak nih phung ning in rianngeitu pawl nih an riantuantu pawl kha an pehtlaih khawh peng hna i harsatnak a dih tikah sipuazi kha rang tein thawk than dingah a bawmh hna lai.

Bawmhnak cu Coronavirus nih sipuazi a hnorsuannak runven dingah Acozah nih a timhlahmhi phunkhat a si i itunmer thannak dingah hlei donh bawmh a si.

Rianngeitu pawl caah a biapimi thawngthanh

Rianngeitu Bawmhnak ngah dingah rianngeitu pawl nih Australia Ngunkhuai peknak Zung (Australian Taxation Office-ATO) website www.ato.gov.au ah sok dingin tinhmi he minkhumhnak an tuah hrimhrim lai.

Rianngeitu pawl nih tuah dingin rikhiahmi caan chungah an tuah maw tuah lo kha an zohfel hrimhrim lai – sipuazi hme deuh pawl caah zatuak 30 asilole tamdeuh kha khirh thanmi ah thumh a si, 1 Vaute (March) 2020 thawkin a tlawmbik thla khat a si cang.

Midang bawmhnak le mah pumpak rian a tuanmi telhchih in a miak caah rian a tuan lomi (riantuantu loin riantuannak pawl) tonnak ah tangka hmuhmi cheknak a um lai i phung ningin a herhmi pawl a tlinhmi nih Rianngeitu Bawmhnak an sok khawh ve men lai.

Tuahto ning a si bantuakin, rianngeitu pawl nih phung ning in riantuantu pawl kong kha ATO sinah thawngthanhnak a tuah hrimhrim lai. Hi ah aa telmi cu 1 Vaute (March) 2020 ah phung ning in riantuantu pawl milu zat cunghah thawngthanhmi le atu lio ah rian nih rian a pek thanmi (rian in aa dinmi asilole rian pek thanmi telhchih in).

Phung ning in rianngeitu pawl nih Biangreithlep (May) thla zarh khatnak thawkin Rianngeitu Bawmhnak cu an ngah lai.

Riantuantu pawl caah a biapimi thawngthanh

Riantuantu na si ahcun, na rianngeitu nih nangmah aiawh in Rianngeitu Bawmhnak an halmi kha an theihter lai – riantuantu a tam-u nih cun zehmanh tuah chap an herh lai lo.

Rian in dinhtermi pawl telhchih in, chun ah caantling riantuantu pawl he nicheu riantuantu pawl he Rianngeitu Bawmhnak a ngah khomi an si.

An rianngeitu he caan hmaan in rian a tuan i 1 Vaute (March) 2020 ah hlanlio rak tuan cangmi a tlawmbik thla 12 chung ningcang tein a tuan pengmi riantuantu zong, Bawmhnak a ngah kho ve mi an si. Phung ning in riantuantu pawl cu 1 Vaute (March) 2020 thawkin in hi pawl hi an itel:

- Australia rammi sinak a ngei cangmi
- a zungzal in um khawhnak visa aa tlaihmi
- a Hleice Sinak phun (Subclass 444) Visa aa tlaihmi.

Phung ning in a ummi na si ahcun, na thla hlawh hmuhmi a chumcheu asilole a dihlak kha Rianngeitu Bawmhnak nih an khirh than lai– na rianngeitu nih an riantuantu tangka peknak ningcang hmangin nangmah tangka pek awk ah tuanvo a ngei.

Ngunkhuai pek hlan ah phung ning in riantuantu pawl nih a tlawmbik zarh hnih voikhat in \$1,500 an hmuh lai. Rianngeitu bawmhnak ruangah rian in idihnak amakhkaan pekmi pawl a hlei in pek chapmi pakhat khat tuah dingaha herh lo.

Ngunkhuai pek hlan ah \$1,500 nak tlawm na ngah ahcun, na rianngeitu nih ngunkhuai pek hlan ah a tlawmbik \$1,500 kha zarh hnih ah voikhat an pek hrimhrim ding a si.

Rianngeitu Bawmhnak sokmi kha cohlan a si cang, asinain atu lio ah riankawp piaktu (JobSeeker) caah asilole a dang tangka bawmh na ngah ahcun, aa thlengmi na dirhmun kha asilole liam than ahaumi leiba na ngeih khawh men nak kha Services Australia na theihter hrimhrim lai.

Last updated: 17 April 2020

COVID19 - JobKeeper Payment – Hakha Chin